

608/2024 EBAZPENA, IRAILAREN 5KOA, OSAKIDETZAKO GIZA BALIABIDEETAKO ZUZENDARIARENA. HONEN BIDEZ, BEHIN BETIKO BARNE MUGIKORTASUNAREN, ALDI BATERAKO BARNE SUSTAPENAREN ETA ZERBITZU EGINKIZUNEN BIDEZ EKONOMIA-ARLOKO GOI-MAILAKO TEKNIKARI LANPOSTU BAT BETETZEKO DEIALDIA EGITEN DA, OSAKIDETZA-EUSKAL OSASUN ZERBITZUKO ZUZENDARITZA NAGUSIKO FINANTZA, AURREKONTU ETA EROSKETEN ZUZENDARIORDETZAKO, EKONOMIA ETA FINANTZA ZUZENDARITZAKO, DIRUZAINNTZA ZERBITZUAN.

**LANPOSTUA:** EKONOMIA-ARLOKO GOI-MAILAKO TEKNIKARIA.

**DESTINOA:** Zuzendaritza Nagusia, Ekonomiako eta Finantzako Zuzendaritza, Finantza, Aurrekontu eta Erosketen Zuzendariordetza, Diruzaintza zerbitzua.

**LANALDI** zatitua (Vitoria-Gasteiz).

**HIZKUNTZA-ESKAKIZUNA:**3. HE (derrigortasun-data: 2013/12/03).

**BETEKIZUNAK:**(Agiri bidez egiaztatu beharko dira, salbu eta Osakidetza-Euskal osasun zerbitzuko CV aplikazioan badaude).

**Eskatzaileen kasuan, Behin Betiko Barne Mugikortasuna:**

- Karrerako funtzionarioa, estatutupeko langilea edo lan-kontratudun finkoa izatea, eta lanpostua jabetzan izatea Zuzendaritza Nagusian, GOI-MAILAKO TEKNIKARI EKONOMIKOaren kategorian.
- Mugikortasun horizontalaren xede den destinoaren kategoria/lanpostu funtzional berekoa izatea.

Baldintza horiek eskabideak aurkezteko epearen azken egunean bete behar dira.

**Aldi baterako barne-sustapeneko eskatzaileentzat:**

- Osakidetza-Euskal osasun zerbitzuko zerbitzu-erakundeei atxikitako karrerako funtzionarioa, estatutupeko langile finkoa edo lan-legepeko kontratudun langile finkoa izatea.
- Zerbitzu aktiboan egotea eta lortu nahi den lanpostuaren titulazio-maila berekoa edo baxuagokoa den beste kategoria batekoa izatea; hain zuzen, Ekonomia eta Enpresa Zientzietan lizentziaduna - Enpresen Administrazio eta Kudeaketan lizentziaduna



- Ekonomiako Goi Mailako Teknikaria kategorian ez izatea karrerako funtzionario, estatutupeko langile finko edo lan-legepeko kontratudun finkoko izendapenik, izendapen edo kontratu horrekiko daukan egoera administratiboa edozein izanda ere.
- Zuzendaritza Nagusiari atxikita egotea langile finko gisa, Zuzendaritza Nagusiko langileen barne-sustapenaren kasuan.
- Zuzendaritza Nagusia ez den beste zerbitzu-erakunde bati atxikita egotea langile finko gisa, zerbitzu-erakundeen arteko barne-sustapenaren kasuan.
- Kategoria bereko lanpostu batean aldi baterako barne-sustapenean egonez gero, egoera horretan urtebete baino gehiago egotea, etenik gabe.
- Osakidetza Ente Publikoko lanpostu funtzionalak arautzen dituen uztailaren 186/2005 19 Dekretuan ezarritako titulazioa izatea eta EPEaren azken deialdian Ekonomiako Goi Mailako Teknikaria kategoriaren oinarrietan ezarritako gainerako titulazio-eskakizunak betetzea.

Aipaturiko baldintzak eskabideak aurkezteko epearen azken egunean bete behar dira.

#### **Zerbitzu-eginkizunetako eskatzaileentzat:**

- Osakidetza-Euskal osasun zerbitzuko zerbitzu-erakundeei atxikitako karrerako funtzionarioa, estatutupeko langilea edo lan-legepeko langilea izatea edo Osasun Sistema Nazionalako gainerako osasun-zerbitzuetako karrerako funtzionarioa edo estatutupeko langile finkoa izatea Ekonomiako Goi Mailako Teknikaria kategorian.
- Zerbitzu aktiboan egotea, eta lanpostuak betetzeko eskaera ez egitea norberak lanpostua jabetzan duen edo zerbitzu aktibora behin-behinean itzultzeagatik atxikita dagoen zerbitzu-erakundeetan.

Aipaturiko baldintzak eskabideak aurkezteko epearen azken egunean bete behar dira.

**MEREZIMENDUEN BAREMOA:** (agiri bidez egiaztatu beharko dira).

#### **Behin betiko barne-mugikortasuna eskatzen dutenentzat:**

- Lanbide-esperientzia, kategoria honetako azken lekualdatze-lehiaketan. (Gehienez 47,5 puntu)

Eskabideak aurkezteko epea irekitzen den egunera arte aitortuta duten zerbitzu-denbora zenbatuko da.

#### **Aldi baterako barne-sustapeneko eskatzaileentzat:**

- EPEko oposizio-fasea (gehienez, 100 puntu)
- Lan-esperientzia (gehienez, 80 puntu)



Eskabideak aurkezteko epea zabaltzen den arte izangaiei aitortu zaien zerbitzaldia hartuko da kontuan.

**Zerbitzu-eginkizunetako eskatzaileentzat:**

- Lan-esperientzia, kategoriaren azken lekualdatze-lehiaketaren oinarrien arabera (gehenez, 47,5 puntu).

Eskabideak aurkezteko epea zabaltzen den arte izangaiei aitortu zaien zerbitzaldia hartuko da kontuan.

**ESKABIDEAK AURKEZTEA:**

Interesdunek Osakidetza-Euskal osasun zerbitzuko Zuzendaritza Nagusiaren Giza Baliabideen Zuzendaritzara bidali behar dute eskabidea (Araba kalea 45), beren datu pertsonal guztiekin eta curriculum vitae dokumentatuarekin batera (Osakidetza-Euskal osasun zerbitzuko aplikazio informatikoan baliozkotuta daukatenek izan ezik).

Eskabideak aurkezteko epea 20 egun baliodunekoa izango da, Ebazpen hau argitaratu eta hurrengo egunetik aurrera.

**LEHENTASUN HURRENKERA**

Lanpostua betetzeko lehentasun-ordena honako hau izango da:

- 1.- Zuzendaritza Nagusiaren behin betiko barne-mugikortasuna. Lanpostua betetzeko sistema hori erabilita ezin bada lanpostua bete, hurrengo atalean aurreikusitakoa erabiliko da.
2. – Aldi baterako barne-sustapena Zuzendaritza Nagusian. Lanpostua betetzeko sistema hori erabilita ezin bada lanpostua bete, hurrengo atalean aurreikusitakoa erabiliko da.
3. – Zerbitzu-eginkizunak. Sistema hori erabiliz lanpostua ezin bada bete, hurrengo paragrafoan aurreikusitakora joko da.
4. – Zerbitzu-erakundeen arteko aldi baterako barne-sustapena.

**BALORAZIO BATZORDEA:**

Balorazio Batzorde bat osatuko da. Giza Baliabideen Hautaketako eta Horniketako zuzendariordea izango da batzordeburua, eta hauexek izango dira bertako partaideak: Finantzako eta Aurrekontuetako zuzendariordea, Erosketen Zerbitzuko burua eta Hautaketa eta teknikari juridiko bat (idazkaria izango da).



**HAUTAKETA-PROZEDURA:**

Balorazio Batzordeak interesdunek behar den garaian eta moduan aurkeztutako dokumentazioa baloratuko du. Aurrekoa ikusirik, proposamena egingo da dagokion izendapena formalizatzeko. Balorazio Batzordeak lanpostua bete gabe utzi ahal izango du, izangaiek eskatutako eskakizunak betetzen ez badituzte.

**EBAZPEN HONEN AURKAKO ERREKURTSOAK:**

Ebazpen honen kontra gora jotzeko errekurtsoa jarri ahalko zaio Osakidetza-Euskal osasun zerbitzuko Zuzendaritza Nagusiari. Horretarako, hilabeteko epea izango da, Ebazpena argitaratu eta hurrengo egunetik aurrera.

Vitoria-Gasteiz, 2024ko irailaren 5a.



**GIZA BALIABIDEEN ZUZENDARIA**

JOSUNE RETEGI ORMAZABAL

